

## KA RI SYIAR

Ia ka kam ri syiar mynta ka por la shim ba ka long ka jait jingtrei kyrpang ha kaba lah ban wanrah shibun ka jingiohnong. Ha ki por kiba mynshuwa la ri ia ki syiar tang ba shu sngewieit, ne, jait ba la ju mlien ka ri jingri. Katba nang ia id ki sngi, ki brieve ki iai pyrshang ban ioh ia ki jingbam kiba kham bha khnang ban kham tei ia ka met. Kumta la lap ba ka don shibun eh ka jingdawa ia ki pylleng syiar bad kumjuh hi ruh ia ka doh syiar. Khnang ban pyndap ia kane ka jingdawa ba khraw, ha ka liang ka jingstad ba mynta, ka Veterinary Science ka la pyrshang shibun ki lad ban pynmih ia ki jait syiar kiba lah ban kha pylleng shibun bad ruh ia ka rukom ri ba khambha.

La bynta ia ki jait syiar ha ki ar bynta kiba iar: -

Ki 'iarkha – Kiba lah ban kha pylleng bun.

Ki 'iar bam doh – Kiba san ne heh kloj ka met.

Ka ri syiar ka ai jingmyntoi shibun bha ia ki nongri kum ka kam ba bynrap ia ka ioh ka kot. Kumta haba mut ban shim ia kane ka kam, dei ban da pyrkhath sani bha, kumno ba ka jingpynlut kan wanrah sha ka jingiohnong.

### **Kumno ban sdang ka ri syiar Farm?**

Kine harum ki long ki mat ba kham kongsan ba dei ban da khmih thuh bha: -

#### **1. Ka jingieid ia ka jaka :**

- a. Ka jaka na ka bynta ka farm barabor ka dei ban long kaba kham pajih na ka shnong ka thaw ne karkhana ha kaba lah ban ioh ia ka lyer ba khuid.
- b. Ka dei ban long kaba biang ka lynti syngkien ba lah ban pynsuk ha ka leit ka wan bad ruh ha ka kit ka bah.
- c. Ka dei ban long ka jaka kaba lah ban ioh ka um kaba khuid lane ba don tyllong um hajan.
- d. Kan bha shibun lada dei ka jaka kaba la don line electric.

#### **2. Ka iing lane ka rukom thaw iing thaw sem:**

- a. Ka kam bha lada lah ban thaw da ka ing dewbilat.
- b. Ka kynjang ka dei ban long kham hajrong na madan ryngkat bad ki nala kiba biang khnang ban nym lang ka um, ban iada na ka jingshongsngem.
- c. Ka iing lane sem syianr ka dei ban long kaba khuid bad ba ioh lyer bad jingshai (Good ventilation).
- d. Ka nongrim iing ka dei ban phai na Mihngi sha Sepngi.
- e. Ka jingdonkam jaka (Floor space) na ka bynta iwei iwei I syiar ka long kat kum ka rta kumne harum:-

0 – 4 Taiew	0.5 sq. ft
4 – 8 Taiew	1.0 sq. ft
9 – 16 Taiew	1.5 sq. ft
16 – 20 Taiew	2.0 sq. ft
20 – Taiew shaneng	2.5 sq. ft.

**Ka rukom ri ia ki Khun Syiar :**

Ki khyndiat sngi ba dang sdang ka jingim ki khun syiar ki long kiba donkam tam ban kham khmih thuh bad sumar namar dei ha kane ka por ba ki khun syiar ki lah ban ioh kem ia ki jingpang ba ha ka rukom. Ki khun syiar ba bha bad ba shait ba koit ki kylla long ki syiar kha pylleng ba bha hadien ha bud.

**Kumno ngin pynkhreh ha kaba iadei bad ka ri ia ki khun syiar?**

Ki jingpynkhreh na ka bynta ka ri khun syiar ki long kumne harum :

1. Dei ban pynbiang lupa ka kamra shwa ban wan poi ki khun syiar. Namar ia ki syiar la ju sdang ban ri naduh ka sngi ba ki mih pyrthei (day old chick).
2. Pynthylli ia ka sem lane kamra kaba mut ban buh khun syiar la kumno kumno 1 ½ bnai hadien ba la wengnoh ia ki kynhun syiar barim.
3. Sait ia ka madan da ka um lane umsoda bad synreit dawai malathion ne sumithion ia ka kamra baroh kawei.
4. Siang da u skum kurrat lane da u stait kba ia ka madan ka ban nym duna a kumno kumno 2 inchi ka jingrben.
5. (i) Buh ia ka shang-pynsyaid (Brooder) kaba don bad ki bulb electric ban ai jingsyaid. Kane ka long syriem kumba kdup khun ka kmie.  
(ii) Ker noh sawdong ia ka shang-pynsyaid khnang ban iada na ka jingsakma ki khun syiar kiba lah ban kem khriat bad iohpang lada jngai than na ka shang pynsyiad.  
(iii) Ka jingsyaid hapoh shang pynsyaid ka dei ban long:-

Ha ki khun syiar ba 1 Taiew	95. F
Ha ki khun syiar ba 2 Taiew	90. F
Ha ki khun syiar ba 3 Taiew	85. F
Ha ki khun syiar ba 4 Taiew	80. F
Ha ki khun syiar ba 5-7 Taiew	75. F
Ha ki khun syiar ba 8 Taiew	70. F

6. Ha ka sngi nyngkong ba wan poi ki syiar, ai ba kin dih da ka um-glucose ba la khleh lang bad ka Vitamin-A.

**Balei ia ki syiar donkam ban ot khyndiat ka shyntur?**

Ka jingdonkam ban ot khyndiat ka shyntur jong ki khun syiar ka long ban iada na ka jingiapuh jong ki, kaba lah ban wanrah ki jingmysaw ba lah ruh ban thaw bun ki jingpang. Donkam ban ot la kumno kumno arsien.

1. ha ka por ba ki dang 2 taiew ka rta.
2. ha ka por ba ki dang don 12 – 16 taiew.

Donkam ruh ban ot noh ia u shyrtong jong ki jait syiar ba heh shyrtong. Ia kane lah ban shem ba don ki jait syiar ba heh shyrtong bad khylliap shilliang da kab kah noh ia ka khmat. Kane ka iada ia ka jingiohi ba shynna jong ka syiar kaba lah ruh ban pynmysaw ia ki syiar.

### **Ka rukom sumar ia ki Syiar Kha-Pylleng**

Khngang ba ka syiar kan kha ryntih bha bun tylli ki pylleng dei ban kynmaw ia kine harum:-

1. Ym dei ban pynthut ne pynbakla ia ka rukom im ba man la ka sngi.
2. Ka um ka dei ban long kaba khuid.
3. Ka jingshai bad jingsyaid ka dei ban long kaba biang.
4. Ka jingbam ka dei ban long kaba bha.
5. Dei ban ai dawai wieh man la ka bnai.

Lada jia ba duna kawei na kitei haneng, lah ban don ka jinghiar kynsan ha kaba kha pylleng.

### **Ka Jingbam Syiar**

Nalor ki jingsumar, ki syiar ki donkam ruh ia ka jingbam kaba bha ban tei ia ka met khngang ba ka syiar ka lah ban kha pylleng khambha. Ka jingbam ba bha ka kynthup ia ka um, protein, carbohydrates, khlein (fats), vitamins bad minerals. Lah ban ioh ia kitei baroh da kaba khleh pynbiang (ration) na kine ki jingbam harum:-

1.	Skop Khaw	(Rice polish)
2.	Riewhadem	(Maize)
3.	Skop Kew	(Wheat bran)
4.	Kpu shana budam	(Ground nut cake)
5.	Kpu nei	(Till oil cake)
6.	Rymbai	(Soyabean Meal)
7.	Kha tyrkhong lwet	(Fish Meal)
8.	Minerals	(Mineral mixture)
9.	Shun powder	(Limestone powder)
10.	Mluh	(Salt)
11.	Vitamins	(Vitamins)

### **Ka Ration na ka bynta 100 tylli ki syiar**

1.	0 – 4 Taiew	17.8 gms/khun syiar/shisngi
2.	5 – 8 Taiew	44.6 gms/khun syiar/shisngi
3.	9 – 12 Taiew	71.4 gms/syiar lud/shisngi
4.	13 – 16 Taiew	80.3 gms/syiar lud/shisngi
5.	17 – 20 Taiew	89.2 gms/syiar/shisngi
6.	21 – 24 Taiew	107.1 gms/syiar/shisngi
7.	Palat ia ka 24 Taiew	110 – 120 gma/syiar/shisngi.

### Ka Rukom Khleh Bam/Aibam Syiar

Sl. No.	Jingbam	Iar heh	Iar lud	Khun Syiar	
				4-8 Taiew	0-4 Taiew
1	( Rice polish)	32	43	30	30
2	Riewhadem	35	26	28	26
3	Skop kew		2	2	10
4	Kpu shana budam	17	13	20	20
5	Kha tyrkhong (Powder)	6	7.113	10	10
6	Shun Powder	3.4	1.5	1	1.6
7	(Alfa Alfa)	3	3	3	
8	Minerals	3	3	1.6	1.7
9	Rovimix (dawai)	0.03	0.01	0.15	0.015
10	Rovibi (dawai)	0.02	0.02	0.25	0.25
11	Hmprol (dawai)		0.032	0.5	0.5
12	Neftin (dawai)	0.05	0.025	0.025	0.1
13	Mluh bam	0.5	0.5	0.5	0.5

### Ki Jait Tika Ban iada

Sl. No.	Ka rta	Ka jait tika	Ban iada ia ka jingpang	Ka jingiada
1	1 (Shisngi)	...	Pang Ring (Mark's Disease)	...
2	1 (Shisngi) lane 4-5 Sngi	RPF	Pang Khlam (Ranikhet)	15 Taiew
3	4 - 5 Sngi	Pox Vaccine	Pang Khlam (Fowl Pox)	6 - 8 Taiew
4	6 - 8 Taiew	Pox Vaccine	Pang Khlam (Fowl Pox)	Shi Jingim
5	9 - 12 Taiew	Ranikhet	Pang Khlam (Ranikhet)	Shi Jingim